

Institiúid Teicneolaíochta, Trá Lí



INSTITIÚID TEICNEOLAÍOCHTA, TRÁ LÍ
AN DARA SCÉIM TEANGA 2015-2018
Faoi Alt 15 d'Acht na dTeangacha Oifigiúla 2003

Clár Ábhar	Lch.
Caibidil 1 Réamheolas / Cúlra	3
1.1 Dáta Tosaigh na Scéime	3
1.2 Ullmhú na Scéime	3
1.3 Cumas Teanga	3
1.4 Forbhreathnú ar ITT	4
Caibidil 2 Soláthar Seirbhísí/Gníomhaíochtaí Ginearálta na hInstitiúide	7
Caibidil 3 Achoimre ar Sheirbhísí/Gníomhaíochtaí arna Soláthar ag Rannóga	10
3.1 Réamheolas	10
3.2 Oifig an Chláraitheora	13
3.3 An Oifig Forbraíochta	13
3.4 Na Scoileanna Staidéir	13
3.5 Oifig an Rúnaí/Rialtóir Airgeadais	14
Caibidil 4 Monatóireacht agus Athbhreithniú	15
Caibidil 5 Foilsiú na Scéime Comhaontaithe	16

Caibidil 1

Réamheolas / Cúlra

D'ullmhaigh Institiúid Teicneolaíochta, Trá Lí an scéim seo faoi *Alt 15* d'Acht na dTeangacha Oifigiúla 2003 ("dá ngairfear an tAcht as seo ar aghaidh"). Forálann an tAcht go n-ullmhaíonn comhlachtaí poiblí scéim reachtúil ina mionsonraítear na seirbhísí a chuirfidh an Comhlacht ar fáil;

- trí mheán na Gaeilge,
- trí mheán an Bhéarla, agus
- trí mheán na Gaeilge agus an Bhéarla araon

mar aon le bearta a ghlacfar chun a chinntiú go gcuirfear seirbhís ar bith nach bhfuil á cur ar fáil ag an gcomhlacht trí mheán na Gaeilge ar fáil laistigh de thráthchlár comhaontaithe.

1.1 Dáta Tosaigh na Scéime

Tá an scéim seo deimhnithe ag an Aire Ealaíon, Oidhreachta agus Gaeltachta. Tosnóidh an scéim seo le héifeacht ó 09 Feabhra 2015 agus fanfaidh sí i bhfeidhm go ceann tréimhse 3 bliana ón dáta seo nó go dtí go mbeidh scéim nua deimhnithe ag an Aire de bhun *Ailt 15* den Acht, cibé acu is déanaí.

1.2 Ullmhú na Scéime

Forálann *Alt 12* den Acht go n-ullmhaíonn an tAire Ealaíon, Oidhreachta agus Gaeltachta treoirínte agus go n-eiseoidh sé iad chuig comhlachtaí poiblí mar chúnamh i leith ullmhú dréachtscéimeanna. Dréachtaíodh an Scéim seo de réir na dtreoirínte seo.

Dréachtaíodh an scéim seo tar éis dul i gcomhairle le mic léinn, an bhfoireann agus luchtanna leasa ionadacha.

De réir na scéime, d'fhoilsigh an Institiúid fógraí poiblí chun aighneachtaí a lorg maidir le hullmhú na dréachtscéime ó pháirtithe leasmhara ar bith.

Tugadh cuireadh do roinnt eagraíochtaí chun aighneachtaí a chur isteach. Ag an am céanna iarradh ar an bhfoireann agus na mic léinn a gcuid tuairimí a léiriú maidir le cur chun cinn na Gaeilge. Bunaíodh grúpaí fócais mhic léinn chun tuairimí a bhailiú. Lena chois sin tugadh cuireadh do na príomhluchtanna leasa/príomhchustaiméirí aighneachtaí a chur isteach. Glactar tuairimí agus smaointe éagsúla na luchtanna leasa thuas san áireamh sa scéim.

1.3 Cumas Teanga

Is trí Bhéarla a chuirtear formhór na seirbhísí ar fáil in ITT i gcónaí. Tá líon na mball foirne san Institiúid a bhfuil cumas Gaeilge labhartha agus scríofa acu teoranta. Tá a lán dea-mhéin i gceist áfach, maidir le cur chun cinn na Gaeilge, chomh maith leis an tuairim gur chóir an obair seo a spreagadh le tacaíocht agus tionscnaimh dhearfacha réamhghníomhacha.

1.4 Forbhreathnú ar ITT

1.4.1 An Institiúid

Institiúid Teicneolaíochta is ea ITT atá suite ar dhá champas i nDrom Tóchair agus sa Chlais i dTrá Lí. Osclaíodh an Campas Thuaidh i nDrom Tochair i mí Mheán Fómhair 2001 agus tá an méid seo istigh ann: Foirgneamh Gnó/TF; Foirgneamh Óstán, Lónadóireachta & Turasóireachta; Lárionad Staidéar Altranais & Cúram Sláinte; Leabharlann; Lárionad Gnó Tom Crean agus Páirceanna Imeartha Féir Uile-Aimsire. Tá Eolaíocht & Innealtóireacht suite ar an gCampas Theas mar aon leis na feidhmeanna riaracháin is tábhachtaí. In aice an Champais Thuaidh tá Páirc Teicneolaíochta Chiarraí ina bhfuil tuairim is 16 eagraíocht lonnaithe a fhostaíonn 200 duine nach mór. Tá dlúth-idirghníomhú idir Páirc Teicneolaíochta Chiarraí agus IT, Trá Lí.

Tá réimse leathan cláracha staidéir á dtairiscint ag ITT i Staidéar Gnó, Innealtóireacht, Eolaíocht, Ríomhaireacht, Daonnachtaí, Óstán & Lónadóireacht agus in Altranais & Eolaíochtaí Sláinte. Tá tuairim is 3,032 mac léinn (coibhéis lánaimseartha) ar chláracha staidéir lánaimseartha, ceirde, ACCS (Carnadh Creidiúintí agus Teastasú Ábhar), agus ar chláracha staidéir páirtaimseartha agus tá breis is 400 ball foirne aici. Tacaíonn sí ar bhonn tráchtála, trína hOifig Forbraíochta, le Nuálaíocht, Fiontraíocht, Taighde, Comhairleoireacht agus Forbairt Réigiúnach sa réigiún a bhfuil an Institiúid ag freastal air.

De réir téarmaí Alt 29 agus 30 d'Acht na gCáilíochtaí (Oideachas agus Oiliúint), 1999, tá údarás tarmiligthe ag Institiúid Teicneolaíochta, Trá Lí faoi láthair ón gComhairle Ardoideachais agus Oiliúna (CDAOO) chun dámhachtainí a bhronnadh maidir le cláracha múinte den Leibhéal 6, 7, 8, agus 9 de chreatlach an ÚNCÉ (NQAI) ón bhliain acadúil 2004/05 ar aghaidh.

1.4.2 Ráiteas Misin agus Físe

Is é ráiteas misin ITT ná:

'Sármhaitheas a bhaint amach i dteagasc, taighde agus obair forbraíochta ar mhaithe le mic léinn, tionscal agus leis an bpobal i gcoitinne.'

Dhein Institiúid Teicneolaíochta, Trá Lí comóradh 35 bliana in 2012/13 agus í ag féachaint siar ar bhreis is ceathrú céid de sholáthar teagaisc, taighde agus forbartha i Réigiún an Iar-Dheiscirt agus níos faide anonn.

Glacadh le ráiteas físe anuas ar ráiteas misin na hInstitiúide, mar seo a leanas:

"Is é ról na hInstitiúide, i gcreatlach forbairtí náisiúnta agus idirnáisiúnta san ardoideachas san Aontas Eorpach agus i stáit ECFE i gcoitinne araon, ná an méid seo a leanas a chur ar fáil:

- Ar shlí éifeachtúil agus éifeachtach
- I dtimpeallacht ina bhfuil dóthain acmhainní agus tacaíocht ar fáil
- I gcreatlach ina bhfuil comhionannas deise

cláracha teagaisc, taighde agus gníomhaíochtaí forbraíochta il-leibhéil a bhfuil teacht éasca orthu agus a:

- fhorbraíonn tuiscint dhomhain ar an réimse staidéir roghnaithe;

- inniúlacht a fhorbairt a chuireann ar chumas daoine smaoineamh go criticiúil agus léann acadúil a chothú;
- soláthar a dhéanamh d'oiliúint agus forbairt leanúnach ar scileanna gairmiúla, bainistíochta, praiticiúla agus teicniúla;
- deiseanna a thabhairt do mhic léinn agus foireann na hInstitiúide fás aigne agus pearsanta a bhaint amach;
- dámhachtainí a chur ar fáil a bhfuil aitheantas orthu sa tír seo agus thar lear;
- cur leis an mbunachar eolais agus daonna atá ag teastáil ar mhaithe le forbairt eacnamaíoch, shóisialta agus chultúrtha an Stáit i gcoitinne, agus go háirithe an réigiún a bhfreastalaíonn an Institiúid air, agus comhoibriú agus obair as láimh a chéile le heagraíochtaí eile a bhfuil misin den chineál céanna acu;
- iad a bheith ar ardchaighdeán cáilíochta agus suaitheantas na sármhaitheasa a bheith acu.”

1.4.3 Custaiméirí agus Cliant

Is iad na mic léinn príomhchustaiméirí na hInstitiúide (tá dualgas cúraim ar leith aici dóibh), an Bord Rialaithe, an fhoireann agus an réigiún ar a bhfreastalaíonn an Institiúid. Lena chois sin bíonn an Institiúid ag idirghníomhú leis an bpobal i gcoitinne agus le hInstitiúidí agus gníomhaireachtaí eile lena n-áirítear:

An Roinn Oideachas & Eolaíochta, An tÚdarás um Ard-Oideachais, Dearbhú Cáilíochta agus Cáilíochtaí Éireann, Institiúid Innealtóirí na hÉireann, TEAGASC, Institiúidí Teicneolaíochta/Ollscoileanna eile; Institiúidí Ardoideachais eile; Meánscoileanna; Údarás Áitiúla; An tÚFT; Údarás na Gaeltachta; Fáilte Éireann; Cumann Tráchtála agus Tionscail Thrá Lí, Ceardchumainn; Cónaidhm Ghnólachtaí agus Fhostóirí na hÉireann; Fiontar Éireann; Solas; An Foras Riaracháin; Foras Bainistíochta na hÉireann; An Chomhairle Oidhreachta; Feidhmeannacht na Seirbhíse Sláinte agus an Roinn Sláinte; Siamsa Tíre agus soláthraithe socrúcháin Oibre.

1.4.4 Measúnú a dhéanamh ar an méid ina bhfuil seirbhísí ar fáil trí Ghaeilge cheana féin

Is é príomhfheidhm na hInstitiúide ná cláracha ardcháilíochta oideachais a chur ar fáil trí Bhéarla (agus líon beag cláracha trí Ghaeilge de réir éilimh) dá cuid mic léinn agus is mar sin a bheidh an scéal amach anseo chomh fada agus is féidir linn a rá.

Tairgtear an Ghaeilge mar ábhar roghnach sna cláracha seo a leanas:

Bainistiú Córais Faisnéise 2 / Teic Ceoil 2 / Ilmheáin Idirghníomhacha 2	Bliain 2 Seimeastar 3
Bainistiú Córais Faisnéise 2 / Teic Ceoil 2 / Ilmheáin Idirghníomhacha 2	Bliain 2 Seimeastar 4

Cuirtear seirbhísí don bpobal i gcoitinne, do luchtanna leasa agus do ghníomhaireachtaí eile ar fáil trí Bhéarla faoi láthair go huile agus go hiomlán, nach mór.

1.4.5 Feidhmeanna agus Ranna

<u>Réimse Feidhme</u>	<u>Roinn</u>
Cláraitheoir	Riarachán Acadúil Seirbhísí do Mhic Léinn Scrúduithe Leabharlann
Oifig Forbraíochta	Cúrsaí tionscail / Caidrimh Taighde Oideachas Aosach & Leanúnach Forbairt agus Cothú Fiontair
An Scoil Ghnó, Ríomhaireachta agus Léinn Daonna	Staidéar Gnó Ríomhaireacht Meáin Chruthaitheacha agus Teicneolaíocht Faisnéise Óstán, Lónadóireacht & Turasóireacht
Scoil na hEolaíochta, Teicneolaíochta, Innealtóireachta & Matamaitice	Innealtóireacht Shibhialta agus Staidéar Foirgníochta Innealtóireacht Talmhaíochta agus Déantúsaíochta Rannóg na bPrintíseach Na hEolaíochtaí Bitheolaíochta agus Cógaisíochta
Scoil an Staidéar Sláinte agus Sóisialta	Staidéar Altranais agus Cúram Sláinte Staidéar Sláinte agus Fóillíochta Léann Daonna agus Eolaíocht Shóisialta
Rúnaí / Rialaitheoir Airgeadais	Airgeadas Acmhainní Daonna Seirbhísí TF Eastáit Oiliúint & Forbairt Foirme Riarachán & Rúnaíocht

Caibidil 2

Soláthar Seirbhísí/Gníomhaíochtaí Ginearálta na hInstitiúide

Sa chaibidil seo leagtar amach polasaí na dteangacha oifigiúla atá á oibriú ag an Institiúid maidir le soláthar ginearálta a cuid seirbhísí.

Is é cuspóir na scéime seo ná a chinntiú go leanfar de chumarsáid reatha na hInstitiúide leis an bpobal i gcoitinne maidir le gnáthfhaisnéis faoina cuid seirbhísí a chur ar fáil i mBéarla agus i nGaeilge araon trí:

- Bileoga eolais agus bróisiúir
- Foilseacháin
- Suíomh gréasáin - eolas ginearálta stadach
- Preaseisiúintí maidir leis an nGaeilge, nó ábhair a bhaineann léi

Cuirfear na doiciméid seo ar fáil go dátheangach laistigh den gclúdach céanna ach amháin mura féidir sin a dhéanamh de bharr toise, nádúir nó leagan amach an ábhair.

Doiciméadú a eisítear do na mic léinn

Leanfar de gach foirm iarratais nua mar aon le hábhar a ghabhann léi a fhoilsíonn an Institiúid a chur ar fáil i nGaeilge agus i mBéarla laistigh d'aon doiciméad amháin.

Má chuirtear foirmeacha iarratais agus bileoga eolais ar fáil i leaganacha Gaeilge agus Béarla ar leithligh cinnteoidh an Institiúid go dtabharfar an fheiceálacht chéanna don dá leagan agus go mbeidh teacht chomh éasca ar an leagan Gaeilge agus atá ar an leagan Béarla.

Beidh bileoga eolais/bróisiúir atá dírithe ar an **Margadh Idirnáisiúnta** i mBéarla amháin i gcónaí.

Doiciméadú Ginearálta

An Réamheolaire

Tá an tEolas ginearálta i mBéarla agus i nGaeilge.

Lámhleabhar na Mac Léinn

Tá an t-eolas tosaigh i Lámhleabhar na Mac Léinn i mBéarla agus i nGaeilge.

An Leabhrán Bronnadh na gCéimeanna:

Tá an t-eolas ginearálta i Leabhrán Bronnadh na gCéimeanna i mBéarla agus i nGaeilge araon.

I réimsí eile

Preaseisiúintí

Eiseofar gach preaseisiúint maidir leis an nGaeilge nó an nGaeltacht go dátheangach comhuaineach ar feadh tréimhse na scéime ó thosach na scéime. Lena chois sin eiseofar 15%

de na preaseisiúintí eile in aghaidh na bliana go dátheangach comhuaineach ar feadh tréimhse na scéime ar fad.

Suíomh Gréasáin - Eolas Ginearálta

Beidh eolas stadach ginearálta don bpobal ar fáil go dátheangach ar an suíomh gréasáin. Coinneoidh an Institiúid an 25 leathanach gréasáin is mó a dtugtar cuairt orthu mar leaganacha dátheangacha. Deineadh athdhearadh ar shuíomh gréasáin na hInstitiúide le déanaí agus aistríodh agus / nó athraíodh na struchtúir roghchláir. Tá an t-inneachar Gaeilge á thabhairt cothrom le dáta i láthair na huaire.

Coinneofar na codanna seo a leanas ar an suíomh idirlíon i mBéarla le linn na scéime seo:

- Codanna atá dírithe ar lucht éisteachta idirnáisiúnta
- Codanna sain-nádúir theicniúil
- Cláracha staidéir atá bunaithe ar an ngréasán (ach amháin cláracha Gaeilge. Táid san ar fáil trí Ghaeilge).
- Codanna a bhaineann le cláracha atá ann cheana nó le cláracha nua (ach amháin iad siúd atá ar fáil trí Ghaeilge).
- Gearrthóga nuachtáin sa teanga inar foilsíodh iad.
- Naisc ghréasáin & naisc fráma
- Inneachar dinimiciúil a aisghabháladh as bunachair shonraí

Seirbhísí Idirghníomhacha ar líne

Tá seirbhísí idirghníomhacha ar líne do chúrsaí Páirt-aimseartha agus d'Alumni dátheangach. Cuirtear leagan dátheangach den leathanach idirghníomhach chun Comhdhálacha a chur in Áirithe ar fáil más féidir ach é a iarraidh. Tabharfar seirbhísí idirghníomhacha nua eile isteach go dátheangach más féidir sin a dhéanamh ó thaobh teicneolaíochta de.

Suíomh gréasáin na Leabharlainne

Deineadh athdhearadh ar shuíomh gréasáin na Leabharlainne le déanaí agus aistríodh agus / nó athraíodh na struchtúir roghchláir. Tá an t-inneachar Gaeilge á thabhairt cothrom le dáta i láthair na huaire. Áirítear air seo leathanaigh idirghníomhacha chun an chatalóg a chuardach, leabhar a athnuachaint nó a iarraidh agus chun tuairim nó moladh a chur isteach.

Leathanach Gréasáin na Leabharlainne agus an Chatalóg (OPAC)

Úsáidtear Catalóg na Leabharlainne nó OPAC chun ábhair sa leabharlann a chuardach ar líne. Cuirfear roghanna roghchláir chuardaigh na Catalóige ar fáil i nGaeilge ó thosach na scéime ar aghaidh. Ar leathanach Gréasáin na Leabharlainne tá naisc chuig bunachair shonraí síntiúis mar aon le heolas breise agus acmhainní tacaíochta.

Cuireadh an Leathanach Gréasáin agus Leathanach Cuardaigh na Catalóige cothrom le dáta le déanaí agus táthar á gcur cothrom le dáta chun eolas dátheangach a chur isteach.

Séanadh Ríomhphoist

Tá séanadh maidir le cumarsáid ríomhphoist dátheangach i láthair na huaire.

Óráidí nó ráitis

Ó thosach na scéime cuirfear óráidí nó ráitis ar fáil sa teanga/sna teangacha ina seachadtar iad.

Tabharfaidh ITT feiceálacht chuí don nGaeilge ag príomhócáidí ar nós searmanais bhronnta trí cuid d'aithisc, mar shampla aitheasc an Stiúrthóra agus aitheasc Chathaoirleach an Choiste Rialaithe, a thabhairt i nGaeilge agus i mBéarla.

Seirbhísí Deasc Fáiltithe/Lasc-chláir

Le linn na scéime ar fad beidh an Institiúid ag oibriú lasc-chlár freastalaí uathoibríoch a liostálann roghanna as Gaeilge. Cinnteoidh an Institiúid go bhfógróidh an t-oibreoir ainm na hInstitiúide as Gaeilge, go mbeidh na beannachtaí bunúsacha ar eolas aige/aici agus go gcuirfear glaonna as Gaeilge ar aghaidh chuig ball foirne ainmnithe a bhfuil ar a c(h)umas an fiosrú a phlé trí Ghaeilge.

Foilseacháin eile na hInstitiúide

Gabhann an Institiúid uirthi foirmeacha um dhearbhu leasa do Bhaill an Choiste Rialaithe agus don Bhainisteoir a chur ar fáil i mBéarla agus i nGaeilge araon i gcomhair na scéime. De réir forálacha ailt 10 d'Acht na dTeangacha Oifigiúla 2003, cuirfear an Plean Straitéiseach, Tuarascáil Bhliantúil srl. ar fáil i mBéarla agus i nGaeilge araon, chomh maith.

Beartas maidir le Cruinnithe Poiblí

Ní réachtálann an Institiúid cruinnithe poiblí sa Ghaeltacht faoi láthair agus réachtálann sí a cuid cruinnithe poiblí ar fad trí Bhéarla.

Logainmneacha Gaeltachta

Úsáidfidh an Institiúid logainmneacha oifigiúla ceantair Ghaeltachta chun críocha oifigiúla.

Caibidil 3

Achoimre ar Sheirbhísí / Gníomhaíochtaí arna Soláthar ag Rannóga

3.1 Réamheolas

Sa Chaibidil seo leagtar amach an cás i ndáil le soláthar seirbhíse/idirghníomhú seachtrach na Ranna laistigh den Institiúid agus leis an bpobal i gcoitinne. Liostáiltear na réimsí tosaíochta ina ndéanfar gníomh faoin scéim seo.

3.1.1 Tosaíocht don Scéim seo

Is iad seo a leanas na tosaíochtaí don scéim seo:

- Leanúint orainn ag cur le cumas na hInstitiúide seirbhíse a chur ar fáil dár gcustaiméirí i nGaeilge agus i mBéarla.
- Déileálfar le Ceisteanna Ginearálta i nGaeilge laistigh de na rannóga Iontrála agus Scrúdaithe in Oifig an Chláraitheora ó thosach na scéime. Cuirfear oiliúint leanúnach ar fáil don bhfoireann de réir mar ais gá.
- Feasacht na foirne ar an scéim a ardú trí réamheolas a thabhairt dóibh agus cumarsáid rialta a dhéanamh ina taobh.
- Leanúint orainn ag cur le cumas Gaeilge agus léirtheiscint na foirne ar an nGaeilge trí oiliúint agus forbairt
- Leanúint orainn seirbhíse do mhic léinn a fhorbairt trí dhoiciméadú dátheangach agus seirbhís theoranta ó bhéal i réimsí ainmnithe
- Leanúint orainn ag méadú líon na gcúrsaí (faoi réir éilimh) a mbeidh ar chumas na mac léinn a gcuid oibre a chomhlíonadh trí Ghaeilge go cumasach

3.1.2 Sainghníomh & Sainionscnamh

Le linn saolré na scéime seo agus i scéimeanna ina diaidh, déanfar obair ullmhúcháin d'fhonn tabhairt faoin gceist maidir le soláthar seirbhíse ardchaighdeán duine le duine do chustaiméirí go ginearálta, go háirithe ó Oifig an Chláraitheora.

- I dtábla A thíos sonraítear na foirmeacha, bileoga agus doiciméadú eile a chuirfear ar fáil ó Oifig an Chláraitheora, Oifig an Uachtaráin, Oifig an Rúnaí agus an Rialtóir Airgeadais agus ón Leabharlann.
- Tabhairt isteach foirmiúil na Gaeilge ag aitheasc an Stiúrthóra chuig an bhfoireann i mí Mheán Fómhair
- Soláthraithe oiliúna Gaeilge a aimsiú go bhféadfadh daoine Gaeilge a fhoghlaim istoiche nó cúrsa ardghramadaí a dhéanamh.
- Lucht acadúil/cainteoirí a aimsiú le haghaidh agallamh raidió/teilifíse trí Ghaeilge, m. sh. TG4, Raidió na Gaeltachta, Raidió Chiarraí
- Oiliúint cumarsáide i nGaeilge a chur ar fáil do na cainteoirí seo.
- Deontaisí a chur ar fáil do bhaill foirne a ghlacann páirt i gcúrsaí sa Ghaeltacht.
- Foclóir Gaeilge/Béarla a chur ar fáil.
- Tairiscintí: ó thosach na scéime glacfaidh an Institiúid le tairiscintí i nGaeilge agus i mBéarla.
- Ó thosach na scéime cuirfidh an Leabharlann téacsleabhair Gaeilge agus ábhar foghlama bainteach ar fáil.

Tábla A**Gealltanais maidir le doiciméadú scríofa i nGaeilge a thabhairt isteach**

Réimse	Teideal an doiciméid	Dáta
Cláráitheoir	Réamheolaire (Codanna an Eolais Ghinearálta)	Tosach na scéime
Cláráitheoir	Lámhleabhar na Mac Léinn (Eolas Tosaigh)	Tosach na scéime
Cláráitheoir	Leabhar Bronnadh na gCéimeanna (Cuid an Eolais Ghinearálta)	Tosach na scéime
Uachtarán	Plean Straitéiseach	Tosach na scéime
Rúnaí / Rialaitheoir Airgeadais	Tuarascáil Bhliantúil	Tosach na scéime
Rúnaí / Rialaitheoir Airgeadais	Foirmeacha um Dhearbhú Leasa do Bhaill den gCoiste Rialaithe agus don Bhainisteoir	Tosach na scéime
Leabharlannaí	Treoirleabhar Ginearálta na Leabharlainne	Tosach na scéime
Leabharlannaí	An Chatalóg a Chuardach	Tosach na scéime
Leabharlannaí	Do chuid leabhair a athnuachaint ar líne	Tosach na scéime
Leabharlannaí	Mo Logáil Isteach don Leabharlann a Dhéanamh agus a Athrú (Pasfhocal Leabharlainne)	Tosach na scéime

3.1.3 Tacaíochtaí Eile

Tá Cumann Gaelach bunaithe againn chun imeachtaí éagsúla a eagrú chun an Ghaeilge a chur chun cinn agus tá torthaí maithe air seo maidir le cur chun cinn na Gaeilge san Institiúid. Faigheann an Cumann maoiniú bliantúil ón Institiúid agus cuireann sé tuarascáil bhliantúil isteach mar chuid dá ghníomhaíochtaí. Eagraíonn an grúpa seo imeachtaí ó cheann ceann na bliana agus le linn Seachtain na Gaeilge. Tá fáilte roimh bhaill foirne agus mic léinn araon sa chlub seo. Reáchtáiltear imeachtaí ar nós maidineacha caife, imeachtaí sóisialta srl:

Cuireann an Cumann Gaelach an Ghaeilge chun cinn trí:

- Saorálaithe a lorg ar fud na hInstitiúide chun seirbhísí a chur ar fáil agus cabhrú chun an scéim a chur i ngníomh agus chun acmhainní a chur ar fáil do bhaill foirne (m.sh. Foclóirí Gaeilge srl.).
- Roghanna oiliúna a phlé le baill foirne a bhfuil suim acu agus cláracha forbraíochta a mholadh a cuireann an Ghaeilge chun cinn in ITT.
- An Ghaeilge labhartha a chur chun cinn san Institiúid.
- I gcomhar leis an Institiúid freastal agus oiliúint don bhfoireann a chur chun cinn nuair a bhíonn an bhéim ar scileanna labhartha agus éisteachta, agus aird á díriú ar scríobh na Gaeilge, leis.
- Feasacht teanga a chur san áireamh mar chuid den ionduchtú bliantúil do bhaill foirne nua.
- Creidiúnú a chur ar fáil mar is cuí maidir le cúrsaí a ghlacadh.
- Feidhmeanna éagsúla a eagrú chun aitheantas a thabhairt dár gcultúr agus ceiliúradh an chultúir a chur chun cinn.
- Éascaíocht a dhéanamh do bhaill foirne/mic léinn chun a n-ainmneacha Gaeilge a úsáid.

Forbairt ghairmiúil leanúnach

Tá an Institiúid le seisiún ceardlainne d'Fhorbairt Ghairmiúil Leanúnach a reáchtáil chun scileanna foirne a fhorbairt maidir le seirbhísí acadúla a sheachadadh trí Ghaeilge agus maidir le hobair na mac léinn a chur ar aghaidh trí Ghaeilge.

3.2 Oifig an Chláraitheora

3.2.1 Seirbhísí Acadúla (Oifig an Chláraitheora)

Tá Oifig an Chláraitheora freagrach as mic léinn a earcú, a ghlacadh isteach, a chlárú agus a mheas agus is í an chéad phointe teagmhála í do chustaiméirí nua agus ionchasacha. Cuireann an Oifig cúrsaí chun cinn, eagraíonn sí cuairteanna scoile agus déanann sí an Réamheolaire agus Lámhleabhar na Mac Léinn. Déantar freastal ar chustaiméirí ar mian leo a gcuid gnó a dhéanamh trí Ghaeilge.

3.2.2 An Leabharlann

Treoir na Leabharlainne

Beidh Treoir Ghinearálta na Leabharlainne dátheangach i gcónaí. Cuireann an leabharlann réimse bileoga eolais dátheangacha amach mar aon le Treoir Ghinearálta na Leabharlainne.

3.3 An Oifig Forbraíochta

3.3.1 Roinn na Seirbhísí Seachtracha

Tacaíonn Roinn na Seirbhísí Seachtracha le hoiliúint agus comhairleoireacht, le haistriú teicneolaíochta agus le forbairt pobail. Bíonn an Roinn seo i dteagmháil le gníomhaireachtaí forbartha, eagraíochtaí trádála agus gairme agus le grúpaí ionadaíochta dá leithéid.

Dá mba rud é go raibh gá le hoiliúint nó le seirbhís comhairleoireachta trí Ghaeilge sannfar baill foirne a bhfuil Gaeilge acu don obair.

3.3.2 Taighde

Scaipeann an Oifig Forbraíochta eolas faoi chláracha taighde. Tacaíonn sí le tograí taighde, earcú taighdeoirí agus de bhreis air seo deineann sí monatóireacht agus bainistiú ar thosnú, dhul chun cinn agus chríochnú cláracha. Tacaíonn sí le hinniúlacht taighde a chur chun cinn. Dá mba rud é go raibh an Ghaeilge ina riachtanas inmhianaithe i dtogra taighde luafar í mar riachtanas agus taighdeoirí á n-earcú i gcomhair a leithéid de thograí, laistigh de chreatlach na nósanna imeachta earcaíochta náisiúnta comhaontaithe.

3.3.3 Oideachas Aosach agus Leanúnach

Is é a dheineann an roinn seo ná cúrsaí a fhógairt, oícheanta eolais a eagrú do mhic léinn ionchasacha agus do chuideachtaí agus cuireann sí le chéile Réamheolaire Oideachas Aosaigh Leanúnach.

3.3.4 Oifig na nEastát

Cuireann Roinn na nEastát amach doiciméadú tairisceana do chonarthaí tógála agus cothabhála agus ina theannta sin tá sí freagrach as comharthú. Tá an polasaí comharthaíochta faoi réir Acht na dTeangacha Oifigiúla 2003.

3.3.5 Seirbhísí Acadúla (An Oifig Forbraíochta)

Leanfar de bheith ag cur ar fáil cuairteanna scoile ar an nGaeltacht agus ar Ghaelscoileanna i gceantair nach Gaeltachtaí iad trí Ghaeilge, agus cuirfear chun cinn go gníomhach iad.

3.4 Na Scoileanna Staidéir

Is iad an trí Scoil Staidéir atá i mbun formhór de ghníomhaíochtaí na hInstitiúide. Laistigh de struchtúr roinne cuirtear cúrsaí ar fáil i réimse leathan disciplíní, go garbh faoi na cheannteidil chineálacha seo a leanas: Gnó, Ríomhaireacht & Daonnachtaí; Eolaíocht, Teicneolaíocht, Innealtóireacht & Matamaitic; agus Eolaíocht Sláinte agus Shóisialta.

I láthair na huairé múintear na cláracha staidéir ar fad trí Bhéarla. Tairgtear an Ghaeilge mar ábhar roghnach faoi réir dóthain éilimh a bheith uirthi. I láthair na huairé níl aon fhianaise againn go bhfuil éileamh ar chúrsaí breise trí Ghaeilge a thabharfadh údar leis an infheistíocht a mbeadh gá léi chun a leithéid de chúrsaí a chur ar fáil. Déanfar monatóireacht bhliantúil ar an scéal áfach, agus tabharfar cúrsaí breise isteach de réir éilimh agus faoi réir maoiniú a bheith ar fáil i gcomhair seachadadh cúrsaí.

3.5 Oifig an Rúnaí/Rialaitheoir Airgeadais

3.5.1 Airgeadas

Tá an Oifig Airgeadais freagrach as gach ceannach agus íocaíocht a dhéanamh agus dá réir sin is í a fhógraíonn conarthaí, a fhaigheann doiciméid tairisceana, a íocann sonraisc agus tuarastail agus a ullmhaíonn na cuntaisí bliantúla. Glacann an Institiúid le tairiscintí i mBéarla agus i nGaeilge araon i láthair na huairé.

3.5.2 Acmhainní Daonna

Tá an roinn seo freagrach as folúntais foirne a fhógairt, foirmeacha iarratais agus sonrúcháin phoist a chur le chéile agus socraíonn sí agallaimh. Lena chois sin tacaíonn Roinn na nAcmhainní Daonna le sprioc na hInstitiúide arb í a chinntiú go mbeidh go leor deiseanna ag an bhfoireann na scileanna, an t-eolas agus an inniúlacht a shealbhu chun a gcuid dualgas a chomhlíonadh go héifeachtach agus chun a lánacmhainneacht a bhaint amach. Leanfaidh Roinn na nAcmhainní Daonna uirthi ag cur ar fáil deiseanna don bhfoireann a chabhróidh leo a gcumas seirbhísí a chur ar fáil trí Ghaeilge a chur chun cinn:

- Trí oiliúint Gaeilge a chur chun cinn go gníomhach
- Trí bhaill foirne le cumas Gaeilge a lonnú in áiteanna cuí ar fud na hInstitiúide nuair a bhíonn éileamh air.
- Trí earcú trí Ghaeilge má bhíonn sainriachtanas ann, is é sin, modúil mhúinte a sheachadadh trí Ghaeilge.

Cuirfear gach ball foirne nua agus gach ball foirne reatha ar an eolas faoi dheiseanna forbartha chun a gcumas Gaeilge a chur chun cinn.

3.5.3 TF

Cuireann Roinn na Seirbhísí Ríomhaireachta seirbhísí TF agus cumarsáide ar fáil don Institiúid.

De bharr go soláthraítear mórchuid na bhfeidhmchláracha ó chuideachtaí tríú páirtí tá roinn na seirbhísí ríomhaireachta ag brath ar na cuideachtaí seo maidir le leagan Gaeilge dá mbogearraí/córas a chur ar fáil.

Nuair a bheidh córais nua á gceannach ag an Institiúid áfach, nó nuair a bheidh córais reatha á n-uasghrádú aici cinnteoidh sí go mbeidh siad in ann glacadh le Gaeilge agus dá réir sin aithneoidh sí gur gá soláthar a dhéanamh i sonrú na gcóras gur féidir leo tacú le Gaeilge.

Le linn tréimhse na Scéime reatha tabharfar córais nua ríomhaire isteach san dá theanga go comhuaineach má tá smacht ag IT, Trá Lí orthu. Le linn na tréimhse céanna cuirfear rogha Gaeilge le córais ríomhaire reatha ar bith a dhéanfar a uasghrádú más rud é nach bhfuil sé ar fáil ach i mBéarla amháin.

Caibidil 4

Monatóireacht & Athbhreithniú

Coinneoidh an Grúpa Bainistíochta Shinsearach san Institiúid súil ar oibriú éifeachtach na scéime. Coinneofar taifead ar dhul chun cinn sa Tuarascáil Bhliantúil. Is é an Cláráitheoir a dhéanfaidh monatóireacht ó lá go chéile ar fheidhmiú na scéime. Is é atá freagrach as cur i ngníomh na scéime in Oifig an Chláráitheora.

Sa scéim leagtar amach na spriocanna atá curtha roimpi ag ITT maidir le saolré na scéime agus léiríonn sí na réimsí tosaíochta. Is í foireann Bainistíochta Shinsearach na hInstitiúide a bheidh freagrach as monatóireacht agus athbhreithniú.

Athbhreithithe

Déanfar athbhreithniú ar an scéim go tráthrialta.

Ba chóir a thabhairt faoin deara nach bhfuil aon fhaomhadh i gcomhair baill foirne bhreise faighte ag an Institiúid ón ÚAO ina fhreagra siúd i ndáil le Cláracha & Buiséad.

Caibidil 5

Foilsiú na Scéime Comhaontaithe

Foilseofar inneachar na scéime seo mar aon le gealltanais agus forálacha na scéime don bpobal i gcoitinne trí:-

- Preaseisiúint;
- Seoladh Oifigiúil na scéime;
- Í a scaipeadh ar na gníomhaireachtaí agus eagraíochtaí poiblí cuí;
- Suíomh gréasáin.

Cuirfear cóip den scéim seo ar aghaidh chuig Oifig Choimisinéir na dTeangacha Oifigiúla.

Is é leagan Béarla na scéime seo téacs bunaidh na scéime seo.

